

WAT IS DIE BYBEL?

Die "Bybel" of "Geskrifte" of "Woord van God" is 'n boek wat die Christen se geloofsgrondslag is. Hierdie boek is heelwat verskillend van ander boeke. As 'n geheel is die Bybel 'n samestelling van 66 individuele boeke wat deur omtrent 40 verskillende outeurs geskryf is – almal van Asië. Hierdie mense het almal verskillende beroepe gehad, soos konings, belastinggaarders, vissermanne, dokters, boere, diensknegte, regspraktisyne, ens. Hulle het die Bybel oor 'n periode van omtrent 1500 jaar geskryf. Meeste van hierdie mense het mekaar nie geken nie en het op verskillende plekke gebly, verwyderd van mekaar. Nietemin, teen die tyd dat al die verskillende boeke en dele van die Bybel uiteindelik bymekaargevoeg is, het die Bybel een bedoeling gehad en dieselfde storie vertel. Dit is net moontlik omdat die Heilige Gees van God hierdie mense geïnspireer het om elke deel te skryf. Daarom is die Bybel 'n outydse boek wat hedendaags uiters gewild is. Dis Bybel was die eerste boek ooit wat op 'n drukpers gedruk is en is in baie tale vertaal.

Die Bybel is verdeel in twee hoofdele: die Ou Testament en die Nuwe Testament. Die Ou Testament bestaan uit 39 individuele boeke wat in 927 hoofstukke verdeel is. Hierdie Ou Testament is oorspronklik in die Hebreeuse taal geskryf wat so lyk:

כְּרַאשִׁית בְּרָא אֱלֹהִים אֶת הַשָּׁמַיִם וְאֶת הָאָרֶץ

Hierdie Ou Testament waarvan ons praat, is steeds vandag die heilige geskrifte van die Jode.

Aangaande die Nuwe Testament: dit is opgemaak uit 27 boeke en het 260 hoofstukke. Die skrywers van hierdie deel van die Bybel het almal die Griekse taal gebruik wat so lyk:

ἐν ἀρχῇ ἦν ὁ λόγος καὶ ὁ λόγος ἦν πρὸς τὸν Θεόν καὶ Θεὸς ἦν ὁ λόγος

Die Bybel bevat die ware weergawe van die geskiedenis van die wêreld en voorspel ook sy einde. Dit vertel van die oorsprong van die mens, die gevolge van sonde, en praat van die Hemel en die Hel.

Wat sekerlik bewys dat die Bybel 'n bonatuurlike boek is, is die feit dat die Bybel herhaaldelik die toekoms voorspel het en die profisieë het telkens waar geword.

Die Bybel het die korrekte antwoord vir jou mees belangrike vrae, soos:

Waarom is ons hier? Wat is ons doeleinde?

Waarom, nadat ons in hierdie wêreld gebore word, sterf ons?

Nadat ons sterf, waarheen gaan ons gees?

Nadat ons sterf, gaan ons terugkom om gereïnkarnear te word?

Is duiwels iets anders as die geeste van mense wat reeds gesterf het?

Hoe verskil ons mense van diere?

Wat presies is sonde?

Wat moet ons doen om uit die kringloop van sonde en karma gered te word?

Is daar werklik 'n God?

Waarom ondergaan die mensdom swaarkry en teleurstelling en dan uiteindelik die dood?

Vir antwoorde hierop en vele ander vrae, lees verder...

HOOFSTUKKE

1.	Die Begin	1
2.	Abraham	21
3.	Moses	36
4.	Die Exodus	65
5.	Profete	95
6.	Profesieë van Christus	141
7.	Die Nuwe Testament, Geboorte van Christus en die Versoeking	157
8.	Aanvanklike Prediking en Bediening	177
9.	Wonderwerke en Gelykenisse	208
10.	Pasga en die Lyding van Christus	241
11.	Die Opstanding en die Eertydse Kerk	271
12.	Na al die Nasies.	299

Die Goeie en die Onheil®

Kopiereg © 2006 deur Michael en Debi Pearl

Kopiereg © 2009 Afrikaans deur Michael en Debi Pearl

Uitgegee deur: No Greater Joy Ministries Inc.

1000 Pearl Road Pleasantville

TN 37033

www.NoGreaterJoy.org

Hierdie Produk is 'n storie vorm van die woord van God. Ons moedig julle aan om die bybel teksverwysings, wat onder aan die blaaie van hierdie boek verskein, na te slaan vir 'n indiepte studie van die woord van God.

Alle regte voorbehou. Geen gedeelte van hierdie boek mag gereproduseer word in enige vorm of op enige manier, elektronies of meganies, insluitende fotokopiëring, plaat, band en laserskyfopname, of deur enige inligtingsbewaring en onsluitingstelsels, sonder skriftelike verlov van die uitgewer nie.

Omslagontwerp: Clint Cearley

Omslagillustrasie: Danny Bulanadi

Vertaal in Afrikaans deur: Victory Independent Baptist Church, Klerksdorp 2009

Hierdie verhaal word vertel in 'n boek wat duisende jare oud is. Elke woord van dié verhaal is die waarheid. Dele daarvan sal moeilik wees om te glo,

maar die waarheid is dikwels vreemder as sprokies.



In die begin, voordat die eerste man geskep is, voordat die aarde, die son, die sterre, selfs voordat lig en tyd geskep is, was God daar.

Net Hy alleen het bestaan – sonder 'n begin, maar Hy was nie eensaam nie. Anders as die mens, bestaan God tegelykertyd as drie persone in een. Elke onderskeie persoon is gelykwaardig en saam ewigdurend, een in wese, geaardheid, mag, daad en wilskrag. Hy het met homself sielsgemeenskap gehad in hvolmaakte liefde.

Maar God wou Sy lewe deel. Hy wou vriende en bure hê.



Die Bybel* vertel ons dat God verskeie engelagtige wesens geskep het om lof aan Hom te bring rondom sy troon, maar een van hulle, Lucifer, het 'n derde van hulle in opstand gebring. God het hulle uit die hemel gewerp en Lucifer se naam is verander na Satan.

Maar hierdie is nie hulle storie nie.

Hierdie is die verhaal van hoe God met die mensdom werk.



*Vir meer inligting oor Satan, sien: Jesaja 14:12-14, 45:18; Esegïel 28:13-19; Mattheus 25:41; Lukas 10:18; Openbaring 12:4, 20:2

In die begin het God die hemel en aarde geskep, en die aarde was woest en leeg en die Skepper het oor die waters gesweef.


Meteens spreek God in die duisternis.

"Laat daar lig wees."

En tyd, soos die mens dit verstaan, het begin.




Dit was nie soos baie mense deesdae veronderstel nie. Die Skepper het nie evolusie gebruik nie. Hy het eenvoudig alles met sy woorde geskep. In ses 24-uur dae het God plante en diere gemaak om die aarde te bewoon.



Die sesde dag, terwyl Satan en sy bese engele toekyk, skep God 'n nuwe wese uit die stof van die aarde.




God het sy eie lewe in die klei-liggaam ingeblaas en so het die mens 'n lewende siel geword. Hy is in god se ewebeeld gemaak – hoër as die diere.




God het die nuwe skepsel *Mens* genoem en hom die naam *Adam* gegee.

God het na Sy hele skepping gekyk en gesê "Dit is baie goed."



God het elke dag met Adam gesels en dit was 'n heerlike lewe. God het al die diere na Adam gebring, sodat hy elkeen 'n naam kon gee. Adam beseft toe dat hy nie soos hulle 'n maat het nie.



En toe sê God...

Ek sal vir Adam 'n maat maak om hom te help.

God het Adam in 'n diep slaap laat val en toe 'n rib uit sy sy geneem. Met dié rib het God 'n pragtige vrou gevorm om Adam se liefdevolle helper te wees.



God het vir Adam wakker gemaak en die vrou na hom gebring. Hy het hulle die opdrag gegee om kinders te hê en die aarde te vul. Adam het sy pragtige nuwe vrou Eva genoem.

Hulle was albei kaal, maar, soos kinders, onbewus daarvan.

Sy is nou been van my beendere en vlees van my vlees.

Satan, die bose een, het alles dopgehou.



Hulle was gelukkig in die tuin. Daar was geen sonde of hongersnood nie; dit was nooit te warm of te koud nie.

God het met hulle oor die bome gepraat en gesê...

Julle mag van al die bome in die tuin eet, maar moenie van hierdie een boom in die middel van die tuin eet nie, want die dag wat julle daarvan eet, sal julle sterf.

So, God het 'n baie mooi paradys-tuin geskep en vir Adam gesag gegee om oor als in die tuin en in die wêreld te regeer. In die paradys-tuin was elke soort groente met pragtige groen blare en elke soort boom met goeie vrugte om te eet. Nietemin, in die middel van die tuin was twee spesiale bome. Die een is Die Boom van die Leve genoem. God het vir Adam toestemming gegee om van hierdie boom te eet wanneer hy ookal wou, en solank hy vrugte van hierdie boom kon eet, sou hy nooit oud of siek word of sterf nie. Die ander boom is Die Boom van die Kennis van die Goeie en die Onheil genoem. God het Adam verbied om van hierdie boom te eet.

Satan het God gehaat en wou God se werk vernietig, maar hy het 'n manier nodig gehad om met Eva te kommunikeer. Hy het toe die liggaam van 'n pragtige dier binnegegaan en deur sy mond gepraat.



Het God vir julle gesê julle mag nie van al die bome in die tuin eet nie?

Hy het gesê ons mag van al die bome eet behalwe hierdie een – as ons daaraan raak, sal ons sterf.

Ha! Julle sal nie sterf nie. Julle sal soos die gode wees wanneer julle daarvan eet. Jul oë sal oopgaan en, soos ons, sal julle als verstaan omtrent die goeie en die onheil.



Dit is mooi om na te kyk en dit blyk goed te wees om te eet. En, dit sal my wys maak as ek dit eet, maar God het gesê ons mag dit nie eet nie.

Eva het nie geweet wat die goeie en die onheil was nie.




Eva het die vrug na Adam geneem en hom oorreed om dit te eet.


Eva was ongehoorsaam aan God en het die vrug geëet.

Eva het te laat besef dat sy mislei is. Dit het veroorsaak dat sy die goeie en die onheil verstaan, maar die onheil het die leiding geneem.

Kyk, ek het nie gesterf nie. Eet, dan sal it jou ook wys maak.







Adam en Eva het baie kinders gehad. Naderhand sou hul seuns en dogters met mekaar trou en kinders van hul eie hê.



Hul eerste seun, Kain, het met groente en vrugte geboer; hul tweede seun met diere. Kon dit wees dat een van hierdie twee die beloofde seun sou wees wat Satan sou van kant maak?



Kain en Abel het geweet van God en die gebeurtenisse in die tuin. Maar God het nie meer met die mens gewandel of gesels nie. Adam en al sy nasate is van God afgesonder deur Adam se ongehoorsaamheid. Die lewe was swaar sonder God.

Op 'n dag besluit die twee seuns om God te aanbid. Hulle vader het hul vertel hoe God die diere in die tuin doodgemaak het, so, in geloof het Adam toe 'n dier geslag en dit aan God geoffer.



O God! Ek is 'n sondige mens, Ek slag hierdie lam en offer dit in plaas van my eie dood.

Kain het die beste wat hy gehad het aan God geoffer, maar dit was 'n bloedlose offergawe. Hy het nie verstaan dat sy sonde vir God aanstoot gee nie.



God, aanvaar asseblief hierdie geskenk. Dit is die beste wat ek het om te offer.

Sou een van hierdie mans die beloofde verlosser wees?



Nee Kain!

God het Kain se offer verwerp omdat daar geen bloed was nie.



God was tevrede met Abel se offer. Toe God die bloed van die onskuldige lam sien het Hy Abel se sonde bedek.

God sê vir Kain , 'As jy doen wat jy behoort te doen dan sal ek tevrede wees met jou, dan sal jy ook oor jou broer heers en hy sal jou onderdanig wees.'



Wie dink jy is jy? My groente en vrugte was meer werd as daardie bloedige lam. Wat maak jou so spesiaal!

My broer, daar is nog steeds tyd om 'n bloedoffer te maak.



Ek gaan nie langer hierdie onreg verdra nie!

Kadoef!

Abel is dood en Kain het sy moord-sonde probeer wegsteek.

Maar Kain kon nie sy wrede sonde vir God wegsteek nie. God sien en weet alles.

Kain, waar is jou broer Abel?

Hoe moet ek weet? Is ek my broer se oppasser?

Jou broer se bloed roep na My van die aarde af. Dit getuig teen jou.



God het kennis van alles. Hy sien heelyd alles en almal. Niks kan vir Hom weggesteek word nie. Hy het gesien wat Kain aan sy broer gedoen het. God het 'n vloek oor Kain uitgespreek en daarna het Kain met sy vrou en kinders die wildernis ingevlug. Sy sonde het hom baie droefheid en lyding veroorsaak.


Kain kon onmoontlik die beloofde Verlosser wees. Hy self het dan verlossing nodig gehad.

In die begin was daar nie 'n gevaar dat mense wat ondermekaar in-trou gebrekklike kinders sou hê nie. Die gene wat afwykings veroorsaak het, het nog nie ontwikkel nie. Later, toe dit wel 'n probleem geword het, het God beveel dat die mens nie ondermekaar, moes in-trou nie.

Wat het van God se belofte geword van 'n seun wat die Verlosser sou wees.? Adam en Eva het nog 'n seun gehad, hulle het hom Set genoem. Veel meer kinders is later aan hulle gebore.

Omdat Kain, Abel doodgeslaan het, het God ons weer 'n kind in sy plek geskenk.





Set het 'n seun gehad en sy seun het 'n seun gehad en baie meer seuns is gebore, maar steeds was daar nie een wat die vloek van die sonde kon verwyder en die dood oorwin nie. Binnkort was die hele aarde bewoon. Baie stede, dorpies en plase het ontstaan.

Soos die mense vermeerder het, so het sonde vermeerder. Hulle het seksuele sondes gepleeg en was baie gewelddadig en boos. Elke gedagte van die mens was sondig. Nie een mens het regverdig geleef nie. Adam het eenmaal gesondig, nou pleeg die hele mensdom hordes sondes.

God het gesê, **"Dit berou my dat ek die mens geskape het. Ek sal alles wat op die aarde leef vernietig."** Dit sou Satan verheug het, want hy het God se koninkryk gehaat.

Nege geslagte het verbygegaan (1400 jaar) en die wêreld was vol geweld en boosheid.

Die mens het slawe van sy medemens gemaak.

Sal God ooit 'n familie kry wat Hom sou lief hê en in gehoorsaamheid met Hom wandel?

Ongeveer 2500 V.C.

Maar daar was een man wat regverdig en opreg geleef het en altyd dit wat reg in die oë van God is, gedoen het. God was Noag en sy gesin genadig en Hy het hulle gespaar.



Noag, Ek gaan 'n groot watervloed stuur om die hele aarde te verwoes. Alles wat asem het, sal sterf. Om jou, jou gesin en die diere te red moet jy 'n groot boot bou.



Neem van elke soort dier op die aarde 'n broeipaar. Neem sewe van elke dier wat geëet mag word. Ek sal jou sê hoe om die boot te bou en hoe om vir die vloed voor te berei.

Kan Noag die belofde een wees wat die werke van Satan sou vernietig? Sal hy God gehoorsaam of sal hy ook faal?



God het aan Noag presies vertel hoe groot die boot moes wees om al die diere en kos in te pas.



Dit het Noag hartseer gemaak om te dink dat soveel mense in die vloed sou sterwe, dus het hy elke geleentheid gebruik om hulle te waarsku om op te hou sondig.

Ek waarsku julle nou vir die laaste keer. God gaan die wêreld deur vloedwaters vernietig. Julle moet glo en saam met ons in die boot klim.

Hoekom sou 'n god van liefde sy kinders vernietig?

Jy is 'n ou dwaas!

Weens die sonde. Julle moet jul geweldige sondes staak en jul naaste met liefde en regverdigheid behandel.

120 jaar later toe die boot gereed was, het God die diere van die hele aarde na Noag gebring.

Kyk daar kom al die diere. Hulle kom op hul eie asof iemand hulle geroep het.

Party van hulle lyk so eienaardig, ek het nie geweet sulke diere bestaan nie. Dink jy dat Noag miskien die waarheid praat?

Daar is geen manier nie! Waar gaan jy genoeg water kry om die hele aarde te oorstrom?



Dit het egter op die sewende dag begin reën; en vanuit die diepte van die aarde het fonteine opgebreek en water het na die oppervlakte gestoot.



Voor hierdie tyd het dit nooit gereën nie. Dit was altyd mooiweer en 'n mis het van die grond opgetrek en die aarde bevogtig. Niemand het ooit reën gesien nie. Behalwe vir die woord van God het Noag geen bewyse gehad dat dit gaan reën nie. Die mense moes gedink het dat Noag heeltemal laf is, maar hy het net geglo wat God vir hom gesê het.



Ongeveer 2348 V.C.

Teen die tyd dat die mense beseef het dat Noag die waarheid gepraat het, was dit reeds te laat.

Veertig dae en nagte het dit gereën totdat elke berg op die hele aarde met water bedek was. Elke lewende siel wat asem gehaal het, het gesterf, behalwe diegene wat saam met Noag in die boot was. Dit sou langer as 'n jaar duur voordat hulle die boot kon verlaat.

Ek sal bly wees wanneer die watervlak daal en ons hierdie boot kan verlaat.

Uiteindelik het Noag 'n duif uitgelaat en die duif het teruggekeer met 'n takkie in sy bek, 'n teken dat daar iewers 'n boom aan't groei was. Later het hy die duif weer uitgelaat en hierdie keer het hy nie teruggekeer nie. 'n Bewys dat hy 'n veilige blyplek gevind het.

Die ark het op 'n bergpiek, genaamd Ararat, tot ruste gekom. Almal het uitgestap in 'n nuwe wêreld in – 'n wêreld sonder sonde.

Noag het 'n altaar gebou en een van elkeen van die rein diere as brandoffer aan God geoffer. Hoewel Noag 'n regverdige man was, was daar steeds sonde in sy hart, en daarom was hierdie offers aan God gebring in ruil vir die lewe van Noag en sy hele familie.

My reënboog gee Ek as 'n teken dat die aarde nooit weer deur vloedwaters verwoes sal word nie. Julle moet vrugbaar wees en vermeerder en die aarde vul.

Die diere van die aarde sal julle vrees. Alles wat beweeg en lewe, sal julle voedsel wees. Net soos die groen plante, gee Ek dit alles aan julle. Net die bloed mag julle nie eet nie. Julle mag mekaar nie doodmaak nie.

Die diere was verteenwoordigend van die agt siele wat in die vloed moes sterf, maar wie se lewens deur die genade van God gespaar is. Dit was soortgelyk aan wat God in die Paradys gedoen het toe Hy diere geslag het om Adam en Eva se sondes te bedek.

Sou iemand skuldig wees aan die dood van 'n ander, dan moet hy doodgemaak word. Hy wat die bloed van 'n mens vergiet, sy bloed sal deur ander vergiet word om boete te doen vir sy misdaad, want die lewe is in die bloed.



Noag het as landbouer 'n wingerd aangeplant. Die nuwe wêreld was eensaam met slegs vier gesinne, maar sy seuns se gesinne het begin vermeerder.



Noag het ontdek dat vrugte wat 'n tyd lank in houers gelaat word, 'n bedwelmende uitwerking op hom het wanneer hy daarvan drink. Hy het egter teveel daarvan gehou en meer en meer gedrink. Naderhand het dit veroorsaak dat hy met tye glad nie kon werk nie. Hy het omgeval en bewusteloos geraak. Ook het hy dan dinge gedoen wat God nie goedgekeur het nie.




Toe Noag uit sy wynslaap wakker word vertel sy seuns aan hom wat Gam gedoen het.

Jou seun, Kanaan, en sy hele nageslag, sal knegte wees van jou broer Sem se nageslagte.


Eendag, nadat hy so dronk en bewusteloos was, het sy seun, Gam, na sy pa se kaal lyf gekyk en genot daaruit gekry. Hy het sy vader teenoor sy broers bespot.

Baie jare hierna, het hierdie profesie in vervulling gegaan. Die Kanaäniete was in Palestina en het slawe van die Israeliete geword.



Noag en sy familie het genade gevind in die oë van God.

God het almal vernietig, behalwe daardie agt siele.



Mettertyd het Jafet na die weste en noorde uitgewyk om hom daar te vestig en te vermeerder.

Sem het na die ooste getrek en in Asië gevestig geraak.

Gam het na die suide gegaan en in Afrika en Suidelike Asië gevestig. Sy seun Kanaän, se nageslagte het gevestig in wat vandag Palestina genoem word.

Op hierdie wyse dan, is die wêreld weer herbevolk.

Ongeveer 2247 V.C.

Noag se seun Gam, het 'n seun met die naam van Kus, gehad en Kus, het op sy beurt 'n seun gehad met die naam, Nimrod. Nimrod het 'n magtige jagter geword en was welbekend oor die hele aarde heen. Hy het geweier om God te gehoorsaam en met sy eie valse godsdiens begin in 'n plek wat Babilon genoem was.

Die mense van Babilon wou nie gehoor gee aan God se opdrag om te versprei en die wêreld te bevolk nie. Derhalwe het hulle 'n indrukwekkende, hoë toring gebou om te dien as die sentrum van hul aanbedding.

Dit was egter nie hulle Skepper wat hulle aanbid het nie. Satan het hulle gelei om hul eie gode van hout, klip en metaal te vervaardig.



God was woedend omdat hulle geweier het om oor die aarde te versprei. Daarom het God hulle in verskillende tale laat praat sodat daar verwarring kon kom.

โธ้ย...
คุณไม่เข้าใจกันเลย

рзш оерз
блх ѓ зцрий
сзц.

Die bouers kon mekaar nie verstaan nie, dus kon hulle nie met die werk voortgaan nie.

Elke taalgroep het 'n ander rigting ingeslaan. Sommige mense het na afgeleë plekke op die aarde gegaan, ander het in skepe na verre eilande gereis, nog ander het na die noorde gegaan waar dit koud was en sommige het in die warm woestyne gaan woon. Gevolglik is God se opdrag, om die aarde te herbevolk, uitgevoer.



Namate die mense op aarde vermeerder het, het sonde weereens toegeneem. Die mense het afgode aanbid en van die Lewende God vergeet!

